

布新杨氏族谱

丰顺布新杨氏族谱编纂组编

2003年元月

布新杨氏族谱

丰顺布新杨氏族谱编纂组编

梅县程江彩色印刷厂印刷

地址:梅县新城區 电话:(0753)2587026

开本:850×1168 1/32 印张:11.25 印张

2003年1月第一版 第一次印刷 印数:500册

准印证:[2002]梅县准印字第031号

如发现印装质量问题,影响阅读,请与印刷厂联系调换。

弘揚祖德

繼往開來

布新楊氏族譜編纂理事會贈

编纂机构成员名单

理事会

顾 问： 智潜 智育 为略 世浪 世暖
名誉理事长： 柳春 杨惠 南生 享生 仕生
林春
理 事 长： 杨辉
副 理 事 长： 顺德
理 事： 信烹 信榄 梦娘 信炭 玉池
祝基 秋荣 和准 桃源 世权
专发 启李 启甘 睦豹

编纂组

主 编： 杨辉
副 主 编： 顺德 祝基
编 委： 梦娘 赐吾 世权 和生 睦伦

捐资芳名录

捐资芳名录

(凡捐资 300 元以上者编入 2 寸黑白像一张,500 元以上者编入 4 寸黑白像一张,800 元以上者编入 4 寸彩像一张,2000 元以上者编入一页彩像)

清顺公后裔:

- 捐 2500 元者: 南生 享生 仕生
捐 2000 元者: 柳春 杨惠 杨辉
捐 1800 元者: 睦豹
捐 1500 元者: 东辉
捐 1300 元者: 和元兄弟
捐 800 元者: 和新 玉铭
捐 750 元者: 玉池
捐 608 元者: 树平
捐 500 元者: 信雪 祝基 云清 玉莲 日月居
捐 300 元者: 信烹 定南 先科 桃源 增忠 玉逢 维龙
 信槐 巧英 和沾 建崇 益丰 和生 慢生
捐 250 元者: 和的 壬水 建明 建华
捐 200 元者: 和网 秋荣
捐 150 元者: 汉周 柳初 尚初 桃生 兰香
捐 100 元者: 睦伦 迪青 和明 睦财 睦喜
捐 50 元者: 和谐 献丰 景泉 睦墙 睦南 睦厚 壬灿
 长胜 碧良 幸福 和准 奕奇 恒丰 丙源
 信基 展明 铨洲 振权 仕娇 和燕 梦棠

捐资芳名录

概棠 和域 壬新 矿源 睦畅 信众 桃海
桃明 睦兴

清风公后裔：

捐 2000 元者：林春 顺德

捐 450 元者：梦娘

捐 300 元者：信炭 信钗 梦生

捐 100 元者：相平

捐 50 元者：探秋 锦州 群生 集传 惠荣 信饮 美华

满荣 智海 富城 均荣 信懂 越华 远集

治帆

前岗公后裔：

捐 500 元者：专发 自强

捐 400 元者：赐 吾

捐 300 元者：世谭

捐 200 元者：启李 世权

捐 150 元者：世暖 雪山 雪居

捐 100 元者：秋英 世包 嫩珍 祝英 启杉 启成 梅丰

捐 50 元者：世赤 立生 式谦 启稳 运来 炳生 金钗

启然 土明 世木 式奇 保生 土查

(以上排名不分先后)

序

杨氏老谱序（一修）

尝因趋庭之暇，佩学礼之训，而有得于礼之言曰：万物本乎天，人本乎祖。人之与物，莫非天之所生。古之圣贤所谓物以天言，人以祖言何也？盖天者物之天，而祖者又人之天。物不本乎天，则自形自色，于宇宙之间者，孰为之总摄？人不本乎祖，则以嗣以续，于世代之远者，孰为之根？本日月之照临，风雨之鼓润，而根荦芽甲得以遂其生者，此物之所以同乎一天也。开之于前，垂之于后，而高曾云初有以久其远者，此人之同乎一祖也。是则人之有祖，即物之有天也。藉祖宗之泽而无报本之心，是忘其祖、即所以忘其天也。人而忘夫天，尚何容於覆载之间哉？噫是祖也乃人之所由本也。然有所生之本，又有所利之本，与之于前传之于后，至于生生而不穷者，此所生之本也。置于田园，贻以基业，至于利利而不竭者，此所利之本也。凡厥有生，孰不同有所生之本哉。夫既有所生，复有所利，是则人皆一本，而我则二本矣。今吾族享祖宗分授之田，荷祖宗蒸尝之利者，得非所谓本乎？祖之中而复有产业之本也。且闾巷小民，乡落农夫，无立锥可资，而人心天理未尝不犹存拳拳于春秋祭祀之日。吁！彼不忘所生之本也。而念祖之诚且若是慤也。已承祖宗积累之本，又有祖宗产业以为凭藉之本，俾昌俾炽。得所本于立业肇迹之余不饥不寒，又得本于仰事俯蓄之际，而报本之心宜何如哉？杨之族，始自弘农，分出虢邑，徙于吉州，迁于兴国。上世祖宗坟茔，山川间阻，不得挂扫。惟唐朝始祖朝议大夫，官粤寓

序 言

梅，遂立家焉。生三子，长讳思孝，次讳思恭，三讳思聪，分为三房。厥后奕叶相承，又分为六房。而始祖则六房共之。然三房所轮之蒸尝，则有西洋六石六斗酒米之田。六房所轮之蒸尝，则有郑均滩头一千余秤之税（田）。以西洋为蒸尝所祀者，百祖岗、五龙岗，此则五年一收而六房各与其一焉。使后之孝子顺孙念祖宗缔造之艰难，无负前人责望之美意，收其租税，祀其坟茔，食其蒸尝，追其忌讳，由长及幼，已终复始，虽万世不能变也。夫何子孙弗念厥绍，任己私意，坏昔良规，为一时便急计利之谋，而不思祖宗贻厥孙谋之道，以六石余米为太寡，每年诸房所收，仅获升斗之利。帮蒸尝之典，所得之鲜而不举，固可责也。若郑均滩头一千余秤之税（田）为大多，六房纠集，则其势不得以祀亲。今则吾族之众，昭穆尊卑，莫不皆有一定之序矣。继自以往，务宜各协亲爱之情，明宗族之义，收其租税，祀其坟茔。毋得以大凌小，以尊欺卑，患难则相恤，缓急则相周。味百世不迁之言，而膺乎苏公族谱之训，使孝弟之风蔼然，如春风和气可掬，岂不美矣！岂不美矣！

大宋淳佑八年（即公元一二四八年）戊申岁恩进士世孙文富记

杨氏老谱序（二修）

尝谓参天之本，必有其根；怀山之水，必有其源。人之有祖，亦犹是焉。昔吾族之居梅也，由宋迄今，世济其美，称著姓焉。宋末族繁，星散东西。幸赖我祖由参军公（圭公）、至先高如穆公、曾祖斌孙公、祖清轩公、父震斋公、伯父树斋、省斋，叔父祖兴，房房子孙，日加繁衍，旧业亦颇增益，而耕自足者，

序 言

是皆祖宗余庆之所暨也。岂敢忘其所自哉？吁！天运一气，以育万物，故生生而不穷。人源一祖，以分九族，故绳绳而永久。何今之人，族谱不修，蒸尝不举，或遗其宗绪者多矣。是以士之生于百世之下，欲推其所来，而亲睦其宗族者，概不悉其由。不过自养自育，而族之孝弟雍睦，名分亲疏之类，茫然不知。嗟哉！鸟俯而喙，兽走而娱，犹且徘徊顾群，尚恐外物之害。何以人而不如禽兽乎？是以慨然！以祖宗亲族为念，上自高曾以下类编成图，贻我后裔，以寓羹墙之思焉。俾吾后之若子若孙，序亲疏、别长幼，披斯图、读斯记，究高曾以上之远亲，知根乎一气；极祖父以来之近族，知本乎一源。使奉先之心，油然而生。则孝弟雍睦，忠厚恻怛之念，庶几由此而兴矣！斯则信所切望也。谨言以为记。

大明永乐十五年（即公元一四一七年）丁酉岁，花朝月吉，恩进士、文林郎、晋江令、世孙宗信记，会同世称三杨大修。东阁大学士、兼翰林院编修杨士奇校正；东阁大学士、户部尚书杨荣恭订；东阁大学士、工部尚书杨溥纂定。士奇公一部，蒙圣恩亲盖玉印。

杨氏三修族谱序

国家书史，所以志夫前圣前贤，山川景物，历万古而弥久弥明也。編集家谱，所以载其先高、先曾，爵、德、谥、葬，千万年传诸不朽也。我祖宝公积德，兆三鱣之集，震公却金，存四知之畏。就粤始祖云岫，十一世祖南珍，十六世祖清轩，修德敦行，各沾佛仙之相土。二世祖思聪，荣登科甲，隆膺宋帝之巍擢。三世四世来民社数任，五六世下师表，屡居候公，思擢指

序 言

挥，才兼春官司马。屡叨纶音宠锡，诰敕是司，调和御膳。及今在州，科甲接踵，或莫有限。分枝潮府之鍾岳，提学福建，移过惠州之复所；捷至三公迁居大埔之之徐，人文鼎盛；移徙瑞金，以谦科甲联辉。所以千百年后，世世相传，愈昌愈炽也。若非谱牒，何以概悉，乃由敬祖爱宗之心慰，纂集族内木本水源之派。展谱以披阅，子姓涣散，俨若同堂，爵、德、行、能，悉尔炳如。生、卒、谥、葬，莫不了然。允矣，子姓大观，诚哉世家至宝。令孝子顺孙景仪型则效之美，力行善举，式芳思齐。造祠可以利济千万家，修谱可以莫安千万人。今复继纂残阙，无虞俾千枝万派归于一本也。适我始祖云岫公，原葬福建南岩，古佛易葬百祖岗。安祖牌炉于寺，佛拔指甲，并葬于祖左，谱碑两徵。乾隆四年（公元一七三九年）己未岁五月间，岩僧报觉称：始末祖牌炉被失。何姓篡入？本主控官断复。蒙署县主许、张，飭令安回祖牌，以垂永久。斯则我祖灵爽所致，古佛所使也。夫史志固与日月而长明，我家岩谱牒，亦与天地同永久矣。是为叙。

世孙永年同以顺琳生述记

杨氏四修族谱序

昔九井之法废，而邦中系民，则有图籍之献。五宗之法坏，而天下系族，则有谱牒之兴，谱牒宗法之道也。横而分之，若冕之旒，排列而不紊；直而成之，若珠之贯，累累而有次。以一而散於万，以万而总之於一。譬如水焉，其源可寻，譬如木焉，其根有在。宇宙之各姓其姓，各祖其祖，俾得尽其仁孝之思者，皆谱牒之效也。毋得详察其小宗，而阔略于大宗耶。昔鲁人有族人死而不吊者，子思以为无恩之甚。由是言之，大宗不可独略亦明

序 言

矣。韩子曰：圣人视天下如一家，中国犹一人。其初一人之身，今视之如途人，可乎？将置诸远昭远穆于何地？如圣人之仁何？范宣子言：勾之祖并鲁国孔圣之祖，自虞夏商周皆能历举其氏。惟周於报本之中又报本，追远之中又追远，所以王天下。历年八百余载，历世三十余代。夫保姓受氏，可递忘哉。吾杨氏出於朝鲜（朝歌？）而蔓延於天下。宝公之子曰震公者，官於关西，遂家焉。至安国公者，官於弘农，遂家焉。由关西弘农而分徙郡邑者，派衍支蕃，簪奕纓世，统计两京十八省，有不胜录。然旧谱已重数修矣，恨今未续修。时维丙戌，诸宗老惓惓以是为念，发緘走使，於丁亥岁，聚本族各邑子姓於大祠，历详世系，命小子续之。由是夙夜惶惶，殫精竭虑，协志在公，依序编修其间。俾致尊尊亲亲，尽仁义孝友之道焉。屢易寒暑，而谱乃成矣！庶几前修不坠，后徵世有矣。愿后世子孙，体前人之至意，后之继今亦犹今之继昔。俾吾宗之谱牒，亘千古而弥昭焉。是所望於后贤矣！

清乾隆三十七年（公元一七七二年）壬辰岁桂月上饶县复设教谕杨如渭敬并

杨氏续修族谱序（四修又序）

尝观邑之有志，则一邑之人物、山水显然可觀。家之有谱，则一家之贤愚富贵了然可采。夫邑之有志，家之有谱，从来尚矣！倘家之谱不立，则一本之根源无由考。谱之序不编，则尊卑之等级无由彰。故编谱所以俾后之人观贤者，生其景仰，不肖者，凜其鉴戒。则祖宗之功德丕著，一家之世系昭然，虽千百年以下，一览而宛然在目矣。虽然前人之作是谱也，岂无深意於其

序 言

间哉！惟冀后代子孙饮芳泉要思其源，吃香黍要念其根。祖有乡井，欲知其故土而莫忘；祖有坟墓，欲知其祭祀而修饰；祖有居业，欲知其整创而不承；祖有亲戚，欲知其情义而款洽。故旧以相和，内外以相亲；患难以相恤，疾病以相扶；死丧以相吊，喜庆以相贺。临财毋苟得，临难毋苟免。无以养小，失其大体，无以用心，害其大义。由是而行之，则一家之政修。修则枝不乱本，本不乱末。虽世远源湮，而尊卑不逾。一展卷而知木本水源之所由来，而孝弟之心亦可油然而生矣。谱之编修，曷容已乎！允若此，光前启后之述，上天无不降祥，子孙无不吉昌。凡族之君子，其可不修族之谱乎！族之谱不修，安可语於治人。而不贻讥於他人耶！故言以为序。

太子太保兵部尚书兼都察院右都御史总督淮扬漕运等处地方海防军务杨锡绂方来氏并

清乾隆三十七（即公元一七七三年）壬辰翰林院侍讲杨述同立

杨氏五修族谱序

盖闻先人而生者，非谱牒无以传。后先人而生者，非谱牒无以法。故修谱非根于天理之自然，形于人心之至爱。默会继述之志而不能修。修而不能追其远，斯亦大不负前人之心。而前人亦何乐于后人而修而追之也。夫作而能成，成而能终者不几，难哉！然而考其系、知其世、知其人、知其所历之境、知其心所欲为之故、并知其所欲为而不能为之隐。无非身家之淡薄，力量之微小。则吾敢云，仁孝之人亦难免此。杨氏通姓老谱，详阅其源，或云唐叔虞之后，或云衮州杨侯之裔，不曰羊舌氏，则曰

序 言

宁化来。彼曰迁吴徙粤，此曰移闽居甌。纷纷诸说，谬哉讹乎？不暇辩论。核其实，则始食采于杨国，因氏徙居各郡各邑别州别省是也。及后，各邑其邑，各祖其祖，以致宗枝不能同归一致。原其始均是杨也，乃亲疏厚薄之不同耳。其谱各自修辑以来，迄今有年，世代之流日远，嗣息之衍日蕃。若不统而修之，将枝分派别，何以秩然而有条，昭穆世次，何以井然而不紊。且有善可书，有行可范，以及宗族之议规，家庙之典则，何以昭然而共垂。则斯举之大，有关前后，宁容已乎？然而杨氏玉干金枝，作元作师，文相武将，贤人学士，孝子弟悌，顾能蕃其枝叶以绵瓜瓞之祚者，又非无因。大抵祖功宗德，忠厚立其本，勤俭培其根。积功累仁，朝夕而灌溉之，是以日新月盛，能闾闾于门闾也。兹惟失次者序，残缺者补，珠联合璧，纲纪目张，不蔚然为一族之巨观也？虽然日月逝矣，岁不我与，诚深惜之。余自束发肄业，即嗜考世系，取诸老谱训语，口诵心受，识记备参。悟其语，益觉祖宗神情，亦莫不有洋洋如在血脉气体，贯串连络於其间也。而修者往往旁求于大略之间，抑何见其祖之易，而不知其祖之难。知其祖之难，而不知其祖之所以难者，皆前人操危虑深，一毫不走。庶知因祖而见事，因事而考行，愈知前人之操虑者真也。盖前人有真操虑，而后人有真显荣。有真显荣而后有光辉，即千百世以下，令人诵之，欲歌欲泣。得其传而无疑者，不啻与祖宗朝夕亲炙其身，各出其所立之故，而提命以相告也。因以续纂斯谱，历代事迹，谱系靡不细加注释，其端不外一本之根源，其绪值该万派之演流，亦可以为尊亲敬长者一助尔。倘族之君子谓余不甚解者，是真知我也耶！

清乾隆五十年（公元一七八五年）乙巳钦命赐进士奉直大夫巡漕内府礼科给事中掌浙江道监察御史巡视南城西城前典试云南正副主考翰林院编修鸿胪寺少卿加三级纪录十五次杨方立默堂氏

杨氏六次续修族谱序

尝稽眉山苏公作族谱记，立亭於高祖坟墓之侧而刻石焉。乃率族人而教之曰：凡在此者，有急相赙，有喜相庆，吉凶相赴，冠婚相告，少而孤弱则老者安之，贫而无妇则富者娶之。苟不然，族人之所以共诃。吾世大儒待宗族之情，何其亲睦而无间如是哉。盖记言，有百世不迁之庙，虽历世久远亦不可疏。而诗云：岂无他人不如我。同姓亦以患难相缓急，惟宗族之依伏也。然古人睦族之道，至久而不替者，惟曰在於宗族之义，明昭穆之有伦，长幼之有序而已。今世之族，未必无相亲之念。而族谱之法不明，率於孝弟之行实难矣。至骨肉之恩薄，或有至亲不往来，冠婚不相告，死生不相赴。甚而无知者，至於兄弟之相争，宗族之相讼，此风俗之所以日趋於薄。其视苏公之族谱，宁不愧乎？梅之巨姓，俗谚未有梅州，先有杨姓。吾杨之族，乃梅州迁居始祖也。访之前世族谱之法已正，长幼之序自明，卑不逾尊，小不逾大，秩然有伦，绳然有序。故知有孝弟，则知有礼义。能相习礼义，则能相劝勉。一时诗礼鳞集，人文蕃出，其族和之效也。

吾族自受姓始祖以来，百余代矣，族人之数亦分派四隅矣。而后之本枝，千载自一至万，昭昭不爽也。即今各房族丁之益蕃，流派之益远，岁时伏腊，无以序其亲睦之情。至於宾筵之间，不知孰为尊，孰为卑，而道途相遇若路人焉。其视前之所谓冠婚不相告，死生不相赴，益有甚焉者矣。吁！以宗族一本之亲，而一旦睽离如是，良可叹也。推原其故，得非在乎族谱之未明，有以致之而然乎！世倬於周甲之年，忝列成均，日夜而思，每欲求报祖宗之洪恩。尝谓相亲相爱，人生孰无是心。奈何先人

序 言

所积之蒸尝，贫者所分为日用之资，富者所分为自己之分，故蒸尝之典不以因循而废，则以苟简而靡矣。独不思夫前日之祖，所以开今日之子孙，而今日之子孙，亦即其后人之祖也。遐思祖宗创业之始，竭力而经营之，详虑而区画之。若曰子孙者，祖宗之所付托也。祖宗者，子孙之所应祀也。与之以遗受之田，使之因恒产而有恒心，轮之以蒸尝之利，使之因所利而动所念，得尽报本之礼。祖宗之遗，后人有其本如此。而后人之於祖宗，其忘本如彼，盍亦即一身而思之。夫祖宗望今日之子孙，亦犹我望后日之子孙。苟能以我今日望后人之意，而还料祖宗望后人之心，庶乎不至於忘本矣！况乎继承之道，今日之举动，子孙之仪型也。今日之有子孙者，往往教以诗书，训以孝弟，凡可以用其力者，无所不至。书曰：以身教者从，以言教者讼。我能敬乎祖宗，则顺於亲矣！而家庭之效，不令而从，虽无师友之切磋，而子孙莫非尚礼义、笃爱敬，行孝弟之事矣。否则，平居假日，不以尊祖敬宗为念，慎终追远为心，恐后人则而象之。始而忘其祖宗，继而不孝不弟，无礼无义，流为下愚不肖之辈。习於放僻邪侈之归者，未必不自是权舆之也。是虽耳提面命，岂能使之。笃意诗书，恭行孝弟，以为祖宗之光哉！经有曰：宗庙致敬，鬼神享矣，孝弟之至，通於神明。而天地鬼神实鉴临之。夫子孙之兴替，家道之盛隆，实自其敬祖之有勤惰者基之。感应之理，昭然不爽，实为子孙之鉴也。凡我子孙宜以报本为念，以忘本为戒也。

清乾隆五十年（即公元一七八五年）乙巳国学生杨世倬号象昭谨记